

ITLF BULLETIN

A Publication of ITLF Media & Publicity Department

VOLUME I/ISSUE NO 9

WEDNESDAY 17 MAY 2023

Singtangmi MLA 10 in Home Minister kiang ah Manipur akipan kikhen ding in ngetna bawl uh

I singtangmi MLA te Delhi va zin ua, zanhah May 15, 2023 ni in India Home Minister Amit Shah kiang ah Manipur akipan kikhenkhiakna di ngetna va pia uhi. Ngetna lai a gelhna uah tu hun in a taktak gam ah singtangmi leh Meiteite kikhenna om a, Imphal ah singtangmi om nawn lou a, singtanggam ah Meiteite om nawn lou chi uhi. Hiai ethnic cleaning, nam khat kihahsiangna toh kisai in Manipur Government in police thahatna zang ahi leng chi uhi.

Kum bangzah hiam paita akipan Meitei kulmut pawl Arambai Tenggol leh Meitei Leepun ten singtangmite tenna mun leh gamte hoihtak a suizui a panla ahih dan gen ua, huchi bang ahihziak a Imphal a singtangmite tenna mun baihlamtak leh kintak a suchimit uh ahih dan gen uhi. Tutung buaina a kigolh Arambai Tenggol leh Meitei Leepun kichite Manipur Chief Minister N. Biren Singh leh Inner Manipur MP Leishemba Sanajaoba te huaihotna nuai ahi leng chi uhi.

Singtangmi ten Government Policy tuamtuan deihlou a peaceful rally a kineih lai a Meitei ten communal tak kalsuan a Anglo-Kuki War Centenary Gate a hal ziaak ua hiai buaina kipan ahih dan le gen uhi.

Nam heutute Aizawl zin uh

Zan in i gam buaina toh kisai a kihoukhawmna nei ding in Lamka akipan tribe heututen Aizawl zuan uhi. Tuni in Aizawl khopi a i singtangmi MLate Delhi akipan hong paite toh Aizawl a kisutuah a i gam buaina toh kisai kikapna nei ding uhi.

ITLF Steering Committee bawlkhiak hita

Zan in Rengkai ah ITLF heutu Thangzamang Zou, Ginza Vualzong leh Hauneu Baite makaihna in ITLF advisory board leh think tank ding in ITLF Steering Committee bawkhia uhi. Hiai

Hiai buaina hun paisa akipan sawm ahih dan gen ua. Singtangmi Police officer akipan constable tan thuneihna 3rd May ma a lakhiaksak hi ua, Meitei Police ten khopi a singtangmi innite halsiatna dia kong honsak ahih dan uh gen uhi.

Huchi bang dinmun a ding ka hih man un, kou Chin-Kuki-Mizo-Zomi-Hmar legislator ten Union Government kiang a ka mite a dia atuama kivaiahawmna hon ngen ka hi uh chi uhi.

Singtanggam leh phaizang chiantak a kikhenna omta a, ka miten Manipur Government ah muanna a nei nawn kei uh chi uhi. Meitei ten hon mudah ua, hon that ua, ka innite u leh ka biakinnte uh hon halsak ua, tengkhawm thei vual ka hi nawn kei uhi. Huai ziaak in singtangmite a ding in *separate administration* ka poimoh mahmah uh chi in ngetna bawl uhi.

Suaikaite: Haokholet Kipgen, *Saitu MLA*; Ngursanglur Sanate, *Tipaimukh MLA*; Kimneo Hangshing, *Saikul MLA*; Letpao Haokip, *Tengnoupal MLA*; LM Khaute, *Ccpur MLA*; Paolienlal Haokip, *Saikot MLA*; Nemcha Kipgen, *Kangpokpi MLA*; Vungzagin Valte, *Thanlon MLA*; Chinlunthang Manlun, *Singngat MLA*; Letzamang Haokip, *Henglep MLA*.

hun a paikhawm heutute akipan ngaihnan kigen khenkhatte ahih leh a kinthei pen a Meitei ten hon bawl na uh condemnation suah ding, veng chih a information center hoihtak a bawl ding, market price etkai ding, district tuamtuan a ITLF hon khiak ding, rehabilitation pen saptuanme khut a piak ding, defence system bawl hoih sem ding, offensive tak a boundary claim ding, political demand chiantak neih ding, inpi teng khat a kigawm ding leh adangdangte genkhawm in om hi. Steering Committee mapitu ding in Pu H. Mangchinkhup Chairman ding in seh hi a, Pu Lalboi Neihzial, Secretary ding in leh Pu Thangchinlal Simte Asst Secretary din seh ahi uhi.

FIR bawl di ten ITLF Legal Cell Contact ding

George Munluah - 9862276484

Nangzakai - 8119042400

DATA COLLECTION

ITLF Media Cell in tutung i buaina ua si leh liam, biakinn kisusete, inn kisusete leh property kisusete data kaikhawm gige ahih man in, hiai toh kisai information nei ten ITLF Media Center te ah pekhawm ding in ngetna i bawl ahi. Data teng centralised uthuai ahih man in pawl tuamtuum in data i kaikhawmte uh le ITLF Media Center a pekhawm ding in ngetna leh theih sakna i bawl ahi.

ITLF Media Cell Contact Persons:

Ginza Vualzong - 882653229 | Chris HL Simte - 9862149327 | Gracy Haokip - 9366709593

ITLF Media Cell a ding Laptop 2 leh Printer khat

London a om Rev Dr. David Haokip in ITLF Media Cell te haksatna theisiam in Media Cell te zat ding laptop 2 leh Printer khat hon leisak hi. Rev Dr. David Haokip kiang ah kipahtu kigen khin mah leh i bulletin tungtawn in mipi theih ding in kipahtu i gen thak ahi. Media Cell in poimoh tuamtuum kinei ahih man in atawm atam a mi kiphal i om leh kipahtu mahmah ahi ding hi.



Mun tuamtuum a om singtangmite pangkhawm in i dikna uh tangkou pih zel uh

Lamka ah internet omlou ahih chiang in gam tuam a om i mi leh sa ten nasatak in media ah pangkhawm in tangkou uhi. Thuzuau kisuahte counter in document tuamtuum compile ua thehzak zel ua, i pangkhawmna uh thupi mahmah hi. TV interview panelist ah ei sik leh tang a ei hon gum a pau ding kol leh vaite Pathian in zang a, kipahtu huai i sa ahi.

Mizo Pawl tuamtuum in Amit Shah kiang ah memorandum pia

Pu Lalmachhuana, President Mizo Upa Pawl (MUP) makaihna in Mizo CSOs tuamtuum in Manipur a peace om theihna ding in Home Minister Amit Shah kiang ah zan in memorandum pia uhi.

Total Confirmed Dead: **20**
Unconfirmed Dead: **50+**
Injured: **195***
Number of Churches Burnt: **123+**
Number of villages burnt: **52+**

*Data from District Hospital

ITLF Women Wing bawl hi ding

Tuni zingkal dak 11 in PTC-GHQ Conference Hall ah ITLF nuai a women wing bawlkhiakna om ding hi. Tribe chih a numei heutu 2 tel ding a theih sak ahi uhi.

- ✓ Internet ni 5 sung suspend beh in om.
- ✓ MU Tribal Union in MU employee te office kai dia Registrar thusuah mohpaih.
- ✓ DGP P. Dounel in police-te duty mun a om ding in theisakna bawl.

RELIEF SUPPORT

Office: 1st Floor, CMC Admin Block

Contacts:

Mangcha Thangzom – 8837368373 (Convenor)
V. Gouthianmuan - 9862086583 (Co-Convenor)
H. Sangpi - 8974782684 (Co-Convenor)

FINANCIAL SUPPORT

Office: 1st Floor, CMC Admin Block

ITLF Joint Bank Account:

Name: Henkhopao Haokip & N. Vialkhanthang
Account No: 41912626404
IFSC: SBIN0064016 | Bank: SBI Salbung Branch

ITLF Media Centers

- ✓ 1st Floor, PTC GHQ Office, Hiangtam Lamka
- ✓ 1st Floor, KIC Office, Tuibuong